



SURAT PEMBERITAHUAN
BAHAGIAN INSTITUSI MUKIM DAN KAMPUNG
JABATAN DAERAH TUTONG
BILANGAN: 09 / 2023

Kepada,
Semua Penduduk-Penduduk Rancangan Perumahan Negara Bukit Beruang Kawasan 1,
Mukim Telisai, Daerah Tutong
Negara Brunei Darussalam

PENDAFTARAN PENGUNDIAN,
MAJLIS PENGUNDIAN DAN PEMILIHAN
CALON KETUA KAMPUNG RANCANGAN PERUMAHAN NEGARA BUKIT BERUANG KAWASAN 1,
MUKIM TELISAI, DAERAH TUTONG

Dengan hormat suacita memaklumkan kepada **Penduduk-Penduduk Kampung Rancangan Perumahan Negara Bukit Beruang Kawasan 1** bahawa **Majlis Pengundian dan Pemilihan Calon Ketua Kampung Rancangan Perumahan Negara Bukit Beruang Kawasan 1** akan diadakan pada hari Ahad, **24 Safar 1445** bersamaan **10 September 2023**, jam **8.00 pagi hingga 11.00 pagi** bertempat di Dewan Kemasyarakatan Kampung Bukit Beruang, Mukim Telisai, Daerah Tutong bagi pengundian menggunakan kertas undi (*ballot paper*).

Manakala, bagi pengundi yang akan mengundi menggunakan **aplikasi mudah alih E-Undi PMKK**, pengundian akan **dibuka selama tiga (3) hari bermula pada hari Jumaat, 8 September 2023 pada jam 8.00 pagi dan ditutup pada hari Ahad, 10 September 2023 pada jam 11.00 pagi.**

Untuk makluman Penduduk-Penduduk Kampung Rancangan Perumahan Negara Bukit Beruang Kawasan 1, **calon tunggal bagi mengisi jawatan Ketua Kampung Rancangan Perumahan Negara Bukit Beruang Kawasan 1** adalah **Awang Mohammad Sahan bin Mumtazali**, beliau pada masa ini bertugas sebagai *Business Support Executive* di *Burean Veritas (B) Sdn Bhd* dan berumur 37 tahun semasa pencalonan.

Sehubungan itu, suacita pihak Jabatan ini memohonkan kerjasama daripada semua **Penduduk-Penduduk Kampung Rancangan Perumahan Negara Bukit Beruang Kawasan 1** yang terdiri daripada Warganegara dan Penduduk Tetap Negara Brunei Darussalam dan tinggal bermastautin di Kampung Rancangan Perumahan Negara Bukit Beruang Kawasan 1, Mukim Telisai dan berumur tidak kurang 18 tahun (pada tarikh pengundian) adalah dijunjung / dipersilakan untuk berangkat / hadir ke Majlis Pengundian dan Pemilihan Calon Ketua Kampung Rancangan Perumahan Negara Bukit Beruang Kawasan 1 itu nanti dengan terlebih dahulu mendaftarkan nama masing-masing sebagai pengundi sama ada dengan menggunakan aplikasi mudah alih E-Undi PMKK dan kertas undi (*ballot paper*) seperti keterangan berikut:

1. Bagi pengundian menggunakan **aplikasi mudah alih E-Undi PMKK**, pengundi bolehlah mendaftar mulai sekarang dan tarikh tutup pendaftaran ialah pada hari Khamis, 07 September 2023 pada jam **8.00 pagi**.
2. Bagi undian menggunakan **kertas undi (*ballot paper*)**, pengundi bolehlah mengembalikan borang sebelum pengundian ditutup pada hari pengundian diadakan dengan membawa kad pengenalan masing-masing dan pengundi hendaklah hadir di tempat Majlis Pengundian dan Pemilihan diadakan. Manakala, bagi yang bekerja sebagai anggota pasukan beruniform hendaklah membawa kad lesen memandu masing-masing.

Borang daftar pengundi boleh diperolehi dan seterusnya dikembalikan kepada Awang Azman bin Haji Ismail, Ketua Kampung Rancangan Perumahan Negara Bukit Beruang Kawasan 3 atau di Bahagian Institusi Mukim dan Kampung, Jabatan Daerah Tutong sebelum tarikh pengundian diadakan.

Untuk makluman, Pengundian dan Pemilihan Ketua Kampung hanya dikira sah jika sekurang-kurangnya satu per tiga (1/3) dari jumlah keseluruhan pengundi yang berdaftar yang layak mengundi bagi Kampung Rancangan Perumahan Negara Bukit Beruang Kawasan 1 hadir dan turut mengundi di Majlis Pengundian dan Pemilihan tersebut.

Oleh itu, penduduk-penduduk Kampung Rancangan Perumahan Negara Bukit Beruang Kawasan 1, Mukim Telisai adalah dialu-alukan untuk menghadiri Majlis Pengundian dan Pemilihan tersebut untuk memastikan keputusan undian nanti adalah sah dan diterima.

Keberangkatan / Kehadiran Penduduk Kampung Rancangan Perumahan Negara Bukit Beruang Kawasan 1, Mukim Telisai adalah sangat-sangat diharapkan dan tidak lupa disembahkan / diucapkan berbanyak-banyak menjunjung kasih / terima kasih.

'Melayu Islam Beraja, Pegangan Belia Brunei'

(MOHAMMAD SOFIAN BIN HAJI BASRI)

Pemangku Pegawai Daerah

Rujukan : (28)JDT/IMK/S/UNDI
Tarikh : 23 Muharram 1445 / 10 Ogos 2023

s.k.

Setiausaha Tetap (Perbandaran dan Daerah), Kementerian Hal Ehwal Dalam Negeri
Penghulu Mukim Telisai, Tutong
Ketua Kampung RPN Bukit Beruang Kawasan 3, Tutong
Pemangku Ketua Kampung RPN Bukit Beruang (Asal)

IMK/PTTK(HA)/PP(IA)